

無求齋莊子集編續編
(五十二)



無求齋莊子集編續編
(五十二)

嚴靈峯編輯

藝文印書館印行

陳鰲海先生傳

遯菴蔡復一撰

又還談道術謂孔老互相訕而吾邑鰲海陳公
獨深論其不然公所註書易禮記儒矣而爲老
莊解和以天倪悠然霞外想夷考其行事孝友
廉惠滿鄉國口居官有愛利人之實歸於不伐
施不居名曠如也是足繹玄心名教之相爲用
已公最善復一先子其葬也諸子徵狀會復一

病遂先有狀若銘復一曰狀不並行傳之其可也非文能傳人而人有必以文傳者則以孔老傳公不若以公傳公之存也夫稱孔老者莊生之所謂重言也陳公榮選字克舉鰲海其別號也在宋有侍講類十餘傳而偵訓長樂至太守公健從浯洲徙縣城北北門陳自此始公其孫也以甫吉公第二子出後仲父甫烈事所後母許及父生母黃以孝稱共子之無間言少有高

韻好讀書善談名理穎出諸生間而困於省試
北遊太學舉順天兩子是時兄榮祖先以甲子
上公車矣江陵相聞雍謀得公論而善之人謂
公亟見相君可爲仕版地公不見也甫吉公訃
至公即棄南宮試從兄榮祖歸守喪喪生母黃
如之曾不以後人爲解君子思篤生腹可能也
絕私有文心喪未制割人榮而不以禮抑性難
夫然許宜人歡公歸不嫌也公之孝深矣是母

是子許宜人患癰公千里延醫侍匕劑不解帶
以逮於復邑令柴高其行表閭節孝公愀然曰
安有以事母成吾名念母春秋高謁選劍州夫
行而奔訃公既屈名伸養而祿不逮親自傷其
志悲慕有加焉服除改儋洲喜曰此蘇子瞻載
酒處也堂於其旁與士人講業手所著三經註
若莊解授之蒸土奮於文學矣時礦稅橫甚置
郵疲於奔走公收恤凋敝民即以官事行却猶

累糧僦騶不動額餽一錢也生黎叛服不常爲
練土著脩文告以勦行撫卒戡定之稍遷廣州
府同知僭人扃城願借陳公一年既治廣揖香
山篆司權貴人膏視溥稅浮增其額臺使者姑
柔之公獨力争得量減是以治最有聲而貂而
虎者目眈之屬公曰三釜已矣而猶令車生耳
哉吾爲吾親半通綸也今再考馳兩父母吾樂
有以子吾裝吾三經註老莊解歸矣遂乞骸上


下不能挽僇廣人祀之歸焚黃於墓散俸金歲
租與弟姪族屬故人亡何病卒公席先清素封
奉身如寒士而好施無與比所結交皆志誼知
名士貧者待以舉火假貸不能償即焚其券方
在孝廉諸生黃時誼誤坐殺人其弟黃應徵挺
身代承有司改論徵大辟數讞無悔公泣而號
於衆多出之其守僇也師獻黎倬活冒拏黥辜
百餘公手錄僇政爲冥積一書語兒孫曰吾冥

積中可無憾者此耳自少年不爲江陵所羅致
及垂老解官猶用忤中貴故終不自言人曰公
得老氏之精者也粗則與孔岐而精則爲孔用
讀公註經解老莊皆自啗夷澹不爲美言而泊
若玄酒之有餘味僞傷巧累吾知免矣是即公
之所以爲公哉先子服公德宇爲復一言雖酒
伎雜作而神氣穆閑嘗與公詣縣令路諷蒨子
秋水篇自如也復一候公尊歸後公推同年何

雅孝有古人風而謬許復一可輩之時公仲子
士龍嚮一先生言道學甚辦公論不盡同曰碩
行何如耳公娶黃繼娶呂皆能佐公孝佐公施
而呂從公於宦及佐公廩至其視黃宜人子女
及諸黃必愈於已君子益以知公

贊曰公經學類漢儒玄理類晉人然漢治禮
戴聖治書易馬融當官皆無潔廩譽或謂若
莊輕物而公餘於財宜其廩好施也夫鑽李

責衣者而非竹林人竟與牙籌老耶公於玄
理心韻有以合之非浮慕爲也雖不用孔老
重公公重矣



莊子南華全經句解

第一卷

內篇

逍遙遊

齊物論

養生主

人間世

德充符

大宗師

應帝王

第二卷

外篇

駢拇

馬蹄

胫篴

在宥

天地

天道

天運

刻意

繕性

秋水

至樂

第三卷

達生

山木

田子方

知北遊

雜篇

庚桑楚

徐無鬼

則陽

第四卷

外物

寓言

讓王


盜跖

說劍

漁父

列禦寇

天下



南華全經分章句解卷一

輪山鰲海陳榮選著

七世孫

廷信藩伯
廷尹達伯
重梓

通篇大小
二字乃其

眼目

內篇逍遙遊第一

逍遙遊者此篇所立之名也內篇有七皆以三字名之遊者心有天遊也逍遙言優游自在也

北冥即北海有魚其名爲鯢鯢之大不知其幾千里也化而爲

鳥其名爲鵬鵬之背不知其幾千里也怒而飛其翼若垂天

之雲言翼之大若雲垂天旁是鳥也海運海氣動也則將徙於南冥南冥者

天池也曰天池即南海不曰南海而曰天池文字變化之妙處

此形容
萬中廣大
之樂故此
不可不以
俗見通則